



امور تحریر بہ ایچون فؤاد بکہ
وامور اداره ایچون آرتین افندی بہ
مراجعت اولنور.



مسلمکمزہ موافق آثار قبول اولنور.
درج اولنمایان اوراق اعادہ اولنماز.

معاونت

ادارہ خانہ سی باب عالی جادہ سندہ
۵۲ نومرو لی « شرکت مرتبہ »
مطبعہ سیدر.



استانبول ایچون سنہ لکی مطبعہ دن
آلنق شرطیلہ ۴۰ طشرہ لره پوستہ
اجرتیلہ برابر ۶۰ غروشدر.

نسخہ سی ۱ غروش

پنجشنبه کونامری نشر اولنور ادبی، فنی و صناعی غزیرہ در

نسخہ سی ۱ غروش

خط مذکور بر صورتله انشا ایديله جکدرکه
واغونلر، ایسته نلدیکی حالده، در حال توقیف
اولنیهله جکدر.

~~~~~

### وه لوسپیدده ترقی

وه لوسپیدجیلکک کوندن کونه کسب  
ایتدیکی ترقیاتی انکار ایده جک آدم تصور  
اولنیه ماز.

پاریس خسته خانه لری جراحی موسیو  
« ژوست لوقاسی شاه پیونیر » نام ذات  
طرفدن « قان » شهرنده وه لوسپیدجیلک  
حقنده بر قونفرانس ترتیب ایدلدیکی فرانسر  
رسائل موقوته سندن بریسی خبر ویریور.  
جراح موسیو الیه مذکور قونفرانسه  
وه لوسپیدجیلکک ایام اخیرده کسب ایلهدیکی  
ترقیاتدن دور و دراز بحث ایتدکن صوکره  
وه لوسپیدک قلب و جگر لر اوزرنده حصوله  
کتیردیکی نتایج حقنده صورت مخصوصده  
بیان افکار ایتشد.

بو باده اعطا اولنان تفصیلاتدن آکلا-  
شلدیغنه کوره بو آلت اوزرنده کشت و کذاز  
اولندیقی ائنده تنفس کسب سرعت ایتدیکی  
کبی بونک نتیجه سی اولق اوزره قلبک  
حرکاتی ده کسب سرعت ایتمکده در. بو حال  
ایسه قلبک حرکاتی اصلا اخلال ایتمکسزین  
جگر لرک مطلوبه موافق صورتده انبساطنه  
خدمت ایله مکده در.

وه لوسپیدله نه قدر سریع مشی و حرکت  
اولنورسه اولنسون، اصلا زحمت حس  
اولنفسزین، کنیشجه و فوق العاده بر سرعتله  
تنفس ایديله ایتمکده در. خلاصه: موسیو  
« لوقاس » ک فکر نجه وه لوسپید اوزرنده  
حرکت ایتمکله اعضای وجودک کافه سی  
متخصص اوله رق ادمان بدن صورت مکمله ده

حاصل اولمده بولندیقی جهتله بوندن ده  
کوزل بر جناسیتق آتی تصور ایتک ممکن  
دکدر.

~~~~~

کوی حکیمی

(مابعد)

صورت وضعی. — وضع اولنه جق
یاقینک بیوکلکی نه قدر اوله جق ایسه اکا
کوره کسبلوب اوزرینه کافور طوزی اکیلیر.
پهلوان یاقیسی وضع ایتزدن اول، قونیه جق
محل بر آز سرکه ایله اوغله لی، بعده یاقی
بر آز آتسه کوستریله رک مذکور محله تن
اوزرینه یابیشدیرلدقن صوکره اوزرینه
درت قات ایدلمش بر بزقونیلوب ده صوکره ده
— قایماق ایچون — برلفافه ایله صیقیجه
باغلانمیلیر.

یاقی یابیشدیریلان محک باغلانمهی
ممکن اوله ماز ایسه بویاقی بر بارچه طالیون
یاقیسی آراسنه قونیلوب انک اعانه سیله
طوندیریلور.

مدت. — پهلوان یاقیسی وضعندن
اون بش، اون آتی ساعت صوکره قالدیرلمق
لازمدر. بونک انکلیز یاقیسی دینیلان بر نوعی
سریع التأثير اولدیغندن بش آتی ساعت
ظرفنده تنی قبارتیر. مع مافیه پهلوان یاقیسی
توصیه ایدن طبیب تن اوزرنده قاج ساعت
براقق لازم کله جکئی بالطبع تعیین و بیان
ایده جکندن بو باده آنک رأی موجنجه
حرکت اولنور.

پهلوان یاقیسنک تخفیف آلامی. —
بو یاقی علی الاکثر اوجاع شدیدیه باعث
اولور، اوجاع مذکورنک کسب شدت
ایتدیکی بر صرده یاقینک اوزرینه کتن تخمی
لاپه سی وضع اولنورسه، تأثیرینه اصلا خلل
کتیرمکسزین، آلامی هان کاملاً تسکین ایلر.

پهلوان یاقیسنک قالدیرلمهی. —
یاقینک وضعندن صوکره یاره سی ایشله دلیله جک
ایسه یالکر قبارتدیقی محکک آشانی جهتدن
اوافق بر نیشتر ایله چیز یله رک ایچنده کی صو
آقیدیلیر و دریینه اوزرنده بر اقیلوب در حال
یاره محلی صاریلیر.

تیمار (پانسمان). — بو قبیل پهلوان
یاقیسی قالدیرلدقن صوکره آچیلان محل
اوزرینه، تازه تره یاغی، صاری مرهم یا خود
طوزسز ایچ یاغی سورلمش اینجه بردلند،
سونکر کاغدی، یا خود برپازی، پانجاز، لحنه
یا رانگی وضع ایدیلهرک باغلانیر. سورکلی
برخسته لک الجاسیله بر محله مکرراً پهلوان
یاقیسی آچق لازم کلوبده اولجه آچیلان
یاقی محککک چابوق قورودلمهی مطلوب ایسه
ایچ یاغی یا خود نشاسته ایله تداوی ایدیلیر.
بو صورتله ایدیلن تیمار یاره نک قابوقلری
قاوولانجه یه قدر دوام ایتمیلیر. یاقی محلی
قورودینی زمان اطرافنده غایت مزعج بر
تخرش (کیدشتمه) حاصل اولورکه بو حال
— بالخاصه چو جوقلر ایچون — مادتا
تحملمفرسا بر درجه یه وارر. بو تخرش دوام
ایتدیکی مدتیجه اوزرینه کونده بر قاج دفعه لر
نشاسته، کبریت نباتی، یر الماسی نشاسته سی
کبی طوزلر اکیلهلر، بو واسطه ایله تخرش
خیلیدن خیلی کسب اعتدال ایلر.

یاقی محککک ایشله دلمهی مطلوب اولدیقی
حالده یاقی قالدقندن صوکره قبارمش اولان
دری — اطرافی کسبلهرک — تمامیه رفع
اولنور.

ایلک کونی، بالاده بیان اولندیقی وجهله
ایچ یاغی و امشالی برشی ایله صاریلوب ایام
متأخرده یوماده، یا خود اوراق منطقه استعمال
وبوکا طبیبک امر و توصیه ایده جکی زمانه
قدر دوام ایدیلیر.

(مابعدی وار)

~~~~~